



13 September 2021
13 September 2021
P.U. (A) 365

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH PENGANGKUTAN JALAN (PERUNTUKAN TEMPAT LETAK KERETA) WILAYAH PERSEKUTUAN KUALA LUMPUR (PINDAAN) 2021

ROAD TRANSPORT (PROVISION OF PARKING PLACES) FEDERAL TERRITORY OF KUALA LUMPUR (AMENDMENT) ORDER 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PENGANGKUTAN JALAN 1987

PERINTAH PENGANGKUTAN JALAN (PERUNTUKAN TEMPAT LETAK KERETA)
WILAYAH PERSEKUTUAN KUALA LUMPUR (PINDAAN) 2021

PADA menjalankan kuasa yang diberikan oleh seksyen 72 Akta Pengangkutan Jalan 1987 [*Akta 333*], Datuk Bandar membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Pengangkutan Jalan (Peruntukan Tempat Letak Kereta) Wilayah Persekutuan Kuala Lumpur (Pindaan) 2021**.

(2) Perintah ini mula berkuat kuasa pada 15 September 2021.

Pindaan perenggan 2

2. Perintah Pengangkutan Jalan (Peruntukan Tempat Letak Kereta) Wilayah Persekutuan Kuala Lumpur 2016 [*P.U. (A) 196/2016*], yang disebut “Perintah ibu” dalam Perintah ini, dipinda dalam perenggan 2—

(a) dengan menggantikan takrif “kupon letak kereta” dengan takrif yang berikut:

‘ “kupon letak kereta” ertinya kupon yang dikeluarkan oleh Datuk Bandar atau mana-mana ejen yang dilantik oleh Datuk Bandar apabila bayaran dibuat untuk meletak kenderaan motor di mana-mana ruang letak kereta;’

(b) dalam takrif “meter letak kereta”, dengan memasukkan selepas perkataan “yang menunjukkan” perkataan “nombor pendaftaran kenderaan motor,”;

- (c) dalam takrif “meter letak kereta jenis automatik”, dengan memasukkan selepas perkataan “akan menunjukkan” perkataan “nombor pendaftaran kenderaan motor,”; dan
- (d) dalam takrif “meter letak kereta jenis manual”, dengan memasukkan selepas perkataan “akan menunjukkan” perkataan “nombor pendaftaran kenderaan motor,”.

Pindaan perenggan 15

3. Perenggan 15 Perintah ibu dipinda—

- (a) dalam subperenggan (5), dengan menggantikan perkataan “sah selama masa” dengan perkataan “sah dalam waktu penggunaan yang dinyatakan dan bagi tempoh”;
- (b) dalam subperenggan (6), dengan menggantikan perkataan “seperti nombor siri, tempoh sah dan nombor pendaftaran kereta motor yang akan diletak di ruang letak kereta khas di tempat letak kereta bermeter” dengan perkataan “sebagaimana yang ditentukan oleh Datuk Bandar”;
- (c) dengan menggantikan subperenggan (7) dengan subperenggan yang berikut:

“(7) Tiada seorang pun boleh menggunakan ruang letak kereta khas dengan pelekat ruang letak kereta khas yang habis tempoh atau menggunakan ruang letak kereta khas yang bukan diperuntukkan kepadanya mengikut pelekat kereta khas yang dikeluarkan.”;

- (d) dengan menggantikan subperenggan (8) dengan subperenggan yang berikut:

“(8) Pelekat ruang letak kereta khas apabila tamat tempohnya atau yang dibatalkan di bawah subperenggan 15A(1) hendaklah

dikembalikan kepada Datuk Bandar dalam tempoh masa sebagaimana yang ditentukan oleh Datuk Bandar.”; dan

(e) dengan menggantikan subperenggan (9) dengan subperenggan yang berikut:

“(9) Mana-mana orang yang melanggar subperenggan (2), (5), (7) dan (8) melakukan suatu kesalahan dan boleh, apabila disabitkan, didenda tidak melebihi tiga ratus ringgit.”.

Perenggan baharu 15A

4. Perintah ibu dipinda dengan memasukkan selepas perenggan 15 perenggan yang berikut:

“Pembatalan pelekat ruang letak kereta khas

15A. (1) Datuk Bandar boleh, pada bila-bila masa atau atas permohonan pemilik pelekat ruang letak kereta khas, membatalkan mana-mana pelekat ruang letak kereta khas yang diluluskan di bawah subperenggan 15(4) sebagaimana difikirkan perlu oleh Datuk Bandar demi kepentingan awam.

(2) Jika pelekat ruang letak kereta khas dibatalkan di bawah subperenggan (1), apa-apa bayaran balik caj pelekat ruang letak kereta khas bagi hari-hari yang tidak dapat digunakan hendaklah diuruskan mengikut cara, bentuk dan pengiraan sebagaimana yang ditentukan oleh Datuk Bandar.”.

Pindaan perenggan 19

5. Perintah ibu dipinda dengan menggantikan perenggan 19 dengan perenggan berikut:

“Pengeluaran kupon letak kereta

19. Datuk Bandar atau mana-mana orang yang diberi kuasa oleh Datuk Bandar boleh mengeluarkan kupon letak kereta dalam bentuk yang ditentukan oleh

Datuk Bandar apabila dibayar caj yang ditetapkan dalam Jadual bagi tempat letak kereta berkupon.”.

Pindaan perenggan 25

6. Perenggan 25 Perintah ibu dipinda—

- (a) dalam subperenggan (4), dengan menggantikan perkataan “sah selama masa” dengan perkataan “sah dalam waktu penggunaan yang dinyatakan dan bagi tempoh”;
- (b) dalam subperenggan (5), dengan menggantikan perkataan “nombor siri, tempoh sah dan nombor pendaftaran kereta motor yang akan diletak di ruang letak kereta bermusim itu” dengan perkataan “sebagaimana yang ditentukan oleh Datuk Bandar”; dan
- (c) dengan menggantikan subperenggan (6) dengan subperenggan yang berikut:

“(6) Tiada seorang pun boleh menggunakan ruang letak kereta bermusim dengan pelekat ruang letak kereta bermusim yang habis tempoh atau menggunakan ruang letak kereta bermusim yang bukan diperuntukkan kepadanya mengikut pelekat kereta bermusim yang dikeluarkan.”.

Pindaan perenggan 36

7. Perenggan 36 Perintah ibu dipinda—

- (a) dengan menggantikan nota bahu dengan nota bahu yang berikut:

“Kuasa Datuk Bandar untuk mengecualikan keseluruhan atau sebahagian caj”;